

COMMUNICAZIUN A LAS MEDIAS

Poschiavo, ils 23 d'avrigl 2026

In studi conferma la plivalur da Repower per l'economia publica

Repower ha incumbensà la Hanser Consulting AG d'examinar tge plivalur che la grupp Repower generescha per l'economia publica dal Grischun en cumparegliazion cun interpresas d'energia extrachantunales. Il studi mussa: Grazia a sia funcziun sco sedia principala, grazia al commerzi d'energia ed ad ulteriuras activitads da Repower che vegnan realisadas en il Grischun, resta cleramain dapli valurisaziun en il chantun.

Per l'onn da gestiun 2024, ch'è vegnì examinà detagliadamain, calculescha il studi la plivalur supplementara da la grupp Repower per l'economia publica sin radund 144 milliuns francs. Questa plivalur resulta en spezial tras la sedia principala en il Grischun, tras il commerzi d'energia en la Valposchiavo sco era tras ulteriuras funcziuns che na resultassan betg en il chantun tar interpresas extrachantunales.

Repower occupa var 500 collavuraturas e collavuratur en il Grischun ed è activa per lung da l'entira chadaina da valurisaziun da l'economia d'energia, da la produenziun sur la rait ed il provediment fin al commerzi. Il studi renviescha al fatg che gist questa vasta orientaziun genereschia ina valurisaziun supplementara per l'economia publica chantunala e communal.

Ina basa da discussiun objectiva per scadenzas da concessiun

En vista a la strategia grischuna concernent la forza idraulica ed en vista a las scadenzas da concessiun che spetgan ils proxims onns survegn la dumonda, co che l'utilisaziun da la forza idraulica vegn organisada a lunga vista e nua che resulta la valurisaziun correspondent, dapli impurtanza. Il studi vul furnir per quai ina basa da discussiun objectiva.

Repower ha preschentà ils resultats dal studi oz en il rom d'ina occurrenza d'infurmaziun a las deputadas ed als deputads en il Cussegl grond dal Grischun. Explitgà il studi han la presidenta dal cussegl d'administraziun Barbara Janom Steiner ed il CEO designà Michael Roth.

La Hanser Consulting AG ha fatg il studi a moda independenta. Repower ha mess a disposiziun las basas necessarias e finanzià il studi, n'ha dentant betg influenzà la metodica u ils resultats.

Ina resumaziun detagliada dal studi da la Hanser Consulting AG è agiuntada a questa comunicaziun.

Contact

Stefan Bisculm

manader post da medias

t +41 81 423 7700

m +41 79 372 7776

stefan.bisculm@repower.com

Quai è Repower

L'interpresa Repower è dapi 120 onns activa sco producenta d'electricidad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Grono, Küblis, Landquart, Turitg e Milaun. Repower è activa lung l'entira chadaina da valorisaziun da l'electricidad, da la produenziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricidad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.